



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-I/21-3-40-440-5/21**
Datum: **18.10.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „NEXE“ d.o.o. Sarajevo za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona sa pratećim sadržajima, lociranog u ulici Safeta Zajke broj 95., Općina Novi Grad, Sarajevo, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu „NEXE“ d.o.o. Sarajevo daje se vodna dozvola za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 120 m³/h, sa pratećim sadržajima, lociranog u ulici Safeta Zajke broj 95., općina Novi Grad, Sarajevo, na zemljištu označenom kao k.č. 2015/2 K.O. Novo Sarajevo IV po novom premjeru, što odgovara k.č. br. 2139/1 i 2139/2 K.O. Donji Butmir po starom premjeru.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, kontrolni šahtovi, separator ulja i masti sa koalescentnim filterom i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se vode od pranja tehnološke opreme za proizvodnju betona, mješalica i miksera za prevoz betona i dio vode sa radno-manipulativnih površina koje gravitiraju postrojenju reciklaže prikupljaju putem kanala sa slivnom rešetkom i nesmetano odvede do postrojenja za reciklažu te ponovo se vraćaju u proces proizvodnje (sistem recirkulacije).
 - 3.4. Da korisnik poslovnog objekta za sve vrijeme trajanja ove vodne dozvole obezbjeđuje da se oborinske onečišćene voda sa radno-manipulativnih površina nesmetano skupljaju putem kanala sa slivnim rešetkama, odvede preko dva taložnika do separatora ulja i masti sa koalescentnim filterom i dalje do šahta preko kojeg se priključuju u javnu oborinsku kanalizaciju kojom upravlja KJKP „Vodovod i kanalizacija“ d.o.o. Sarajevo.

- 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.7. Ukoliko Vlada Kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.10. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
8. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „NEXE“ d.o.o. Sarajevo obrato se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju svježe betonske mase, kapaciteta 120 m³/h, sa pratećim sadržajima, lociranog u ulici Safeta Zajke broj 95., općina Novi Grad, Sarajevo, na zemljištu označenom kao k.č. 2015/2 K.O. Novo Sarajevo IV po novom premjeru, što odgovara k.č. br. 2139/1 i 2139/2 K.O. Donji Butmir po starom premjeru.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Aktuelni izvod iz sudskog registra, broj:065-0-Reg-Z-18-003458 od 03.05.2018. godine izdat od strane Općinskog suda u Sarajevu – kopija,

- Rješenje o registraciji, broj:065-0-Reg-16-000749 od 02.03.2016. godine izdato od strane Općinskog suda u Sarajevu – kopija,

- Uvjerenje o poreznoj registraciji od 29.03.2016. godine izdato od strane Kantonalnog poreznog ureda Sarajevo - kopija,
- Uvjerenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-2549-2/16 od 12.05.2016. godine izdato od strane Uprave za indirektno – neizravno oporezivanje Banja Luka - kopija,
- Rješenje o okolinskog dozvoli, broj:UP-I/05-23-11-79/16 od 01.09.2016. godine izdato od strane Federalnog ministarstva okoliša i turizma – kopija,
- Punomoć, broj:97/2021 od 05.10.2021. godine izdata na ime Sidik Salkić (lična karta broj: 230M02860 MUP Kantona Sarajevo),
- Rješenje o vodnoj dozvoli, broj:UP-I/25-3-40-497-3/16 od 27.09.2016. godine izdato od strane Agencije za vodno područje rijeke Save, Sarajevo – kopija,
- Ugovor o izvođenju radova, broj:709/21-DS od 06.04.2021. godine zaključen sa „Delta Petrol“ d.o.o. Kakanj – kopija,
- Rješenje o odobrenju za građenje, broj:UPI/02-23-2-158/04 od 20.04.2005. godine izdato od strane Federalnog ministarstva prostornog uređenja i okolice – kopija,
- Račun, broj:341196551 od 10.09.2021. godine izdat od strane KJKP „Vodovod i kanalizacija“ Sarajevo – kopija,
- Račun, broj:41196550 od 10.09.2021. godine izdat od strane KJKP „Vodovod i kanalizacija“ Sarajevo – kopija,
- Faktura, broj:000867-1 od 29.06.2021. godine sa Radnim nalogom i Zapisnikom o radovima na pranju i čišćenju izdati od strane Delta Petrol d.o.o. Kakanj – kopija,
- Računi, broj:385/2021, 326/2021, 206/2021 sa Radnim nalozima izdati od strane PromehaniK d.o.o. Visoko – kopija,
- Dokaz o uplaćenju federalnoj upravnoj pristojbi na zahtjev

B- Tehnička dokumentacija:

- Projekat izvedenog stanja pogona za proizvodnju betona Stup-Briješće u Sarajevu za potrebe preduzeća GP „Put“ d.o.o. Knjiga-Vodovod i kanalizacija, urađen od strane „IPSA Institut“ d.o.o. Sarajevo, maj 2006. godine,
- Glavni projekat vodovoda i kanalizacije pogona za proizvodnju betona Stup-Briješće u Sarajevu Knjiga 3 urađen od strane „IPSA Institut“ d.o.o. Sarajevo, novembar 2004. godine,
- Izvještaj o monitoringu kvaliteta i kvantiteta otpadnih voda na lokalitetu betonare NEXE BETON d.o.o. Sarajevo, Izvještaj broj:IP 1/2, urađen od strane TQM d.o.o. Lukavac, april 2021. godine,
- Izvještaj o monitoringu kvaliteta i kvantiteta otpadnih voda na lokalitetu betonare NEXE BETON d.o.o. Sarajevo, Izvještaj broj:IP 2/2, urađen od strane TQM d.o.o. Lukavac, oktobar 2021. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uviđaj na prostoru proizvodnog pogona betonare, „NEXE“ d.o.o. Sarajevo i tom prilikom sačinjen Zapisnik o izvršenom uviđaju broj: UP-I/21-3-40-440-4/21 od 15.10.2021. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Pogon za proizvodnju betona sa pratećim sadržajima, nalazi se u ulici Safeta Zajke broj 95., Općina Novi Grad, Sarajevo, lociran na zemljištu označenom kao k.č. 2015/2 K.O. Novo Sarajevo IV po novom premjeru, što odgovara k.č. br. 2139/1 i 2139/2 K.O. Donji Butmir po starom premjeru.
- Pogon za proizvodnju betona je tipski proizvod Elba Werk, Ettingen EBCD 105 kapaciteta 120 m³/h, sa pratećim sadržajima. Tehničke karakteristike betonare su: jednoosovinska prisilna mješalica EMS 2250, pet silosa za agregat, dva vibratora u silosu agregata, vaga za agregat kapaciteta 500 kg, dva silosa za cement kapaciteta 100 t, dva pužna transportera kapaciteta 90 t/h, vaga za cement kapaciteta 1000 kg, vaga za vodu kapaciteta

600 kg, vaga za aditive kapaciteta 50 kg, kompresor 500/220, aditivi Cementrol retard R-2 i Cementrol B-Novii, kolska vaga nosivosti 60 t.

- Snabdijevanje vodom betonare vrši se priključkom na javnu vodovodnu mrežu kojom upravlja KJKP „Vodovod i kanalizacija“ d.o.o. Sarajevo.

- Sanitarne fekalne vode iz pratećih objekata betonare ispuštaju se u javni fekalni kanal kojim upravlja KJKP „Vodovod i kanalizacija“ d.o.o. Sarajevo.

- Tehnološke otpadne vode koje nastaju nakon pranja miksera/mješalice se skupljaju putem kanala sa slivnom rešetkom i odvođe do bazena, iz kojeg se postupkom recirkulacijom voda vraćaju u proces proizvodnje.

- Prikupljanje oborinskih onečišćenih voda sa lokacije pogona za proizvodnju betona sa pratećim sadržajima vrši se putem slivnika, kanala sa rešetkama te odvođi do taložnika (1 i 2) te putem cjevovoda odvođi do separatora ulja i masti tip Aqvareg 100 hp 10, kapaciteta $Q = 10 \text{ l/s}$.

- Ispuštanje prečišćenih oborinskih voda sa lokacije pogona za proizvodnju betona sa pratećim sadržajima vrši se u javnu oborinsku kanalizaciju kojom upravlja KJKP „Vodovod i kanalizacija“ d.o.o. Sarajevo, a za što je izdata Saglasnost na Glavni projekat 29.08.2005. godine.

- Skladištenje tečnih goriva, masti, hidrauličkih ulja te popravka mehanizacije se ne vrši na lokaciji betonare.

- Podnosilac zahtjeva je podnio zahtjev nadležnom Federalnom ministarstvu okoliša i turizma za izdavanje/produženje valjanosti rješenja o okolinskoj dozvoli.

- Frakcija i mulj iz taložnika čisti se po potrebi i koristi ponovo kao sirovina u proizvodnji betonske mase.

- Otpadni talog, masti i ulja iz separatora ulja i masti čisti se po potrebi, od strane firme ovlaštena za obavljanje ove djelatnosti sa kojom je potpisan ugovor „Delta Petrol“ d.o.o. Kakanj.

- Komunalni miješani otpad zbrinjava KJKP „Rad“ d.o.o. Sarajevo.

- Ambalažni otpad (ambalaže od aditiva) prikuplja se i varača dobavljaču (izdati su na revers).

- Popravka i servisiranje miksera i dr. mehanizacije se ne vrši na predmetnoj lokaciji, nego po Ugovoru sa firmom „Promehanik“ d.o.o. Visoko.

- Radno-manipulativne površine su asfaltirane. Slivnici, rešetke, kanali, taložnici se uredno održavaju.

- Investitor je angažovao certificiranu laboratoriju TQM d.o.o. Lukavac koja vrši monitoring otpadnih voda nakon taloženja i tretmana na separatoru ulja i masti. Rezultati analiza kvaliteta i kvantiteta otpadnih voda tj. izmjereni parametri zadovoljavaju granične vrijednosti emisije otpadnih voda u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije (Prilog 27).

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „NEXE“ d.o.o. Sarajevo ispunio minimum uslova za izdavanje vodne dozvole za ispuštanje otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, sa pratećim sadržajima, Općina Novi Grad, Sarajevo te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačko B obrazloženja rješenja

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- NEXE d.o.o.
- Alipašina 22 A, Sarajevo, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava